

# EITABO LOSODIT LOKA MUSA

LOENYARITAI

## AGEUN

**1** Kotoma ageunet abu Edeke kosub akuj ka akwap. <sup>2</sup> Ido ajai akwap atai, komam etiakak; kojai amuton kokuju kaidules; kirukum emoyo loka Edeke kaju akipi.

<sup>3</sup> Kobala Edeke ebe, "Kojau aica"; kosodi aica ajaun. <sup>4</sup> Koany Edeke aica ebe ejokuna; kotiak Edeke aica ka amuton. <sup>5</sup> Komaik Edeke aica Apaaran, ka amuton da komaik Akuar. Kojau atibon kojau da atupuruc, nin nes apaaran nasodit.

<sup>6</sup> Kobala Edeke ebe, "Kojau apak kidin kakipi, kotiakite akipi ka akipi." <sup>7</sup> Kosub Edeke apak, kotiak akipi nujaas kwap kapak, ka akipi nujaas kaju kapak: kojau kwanjin. <sup>8</sup> Komaik Edeke apak Akuj. Kojau atibon kojau da atupuruc, nin nes apaaran nakiareit.

<sup>9</sup> Kobala Edeke ebe, "Kotukonokinos akip nuejaas kwap kakuj aibois adiopet, kotakan neeonit." Kojau kwanjin. <sup>10</sup> Komaik Edeke neeonit Akwap: ka atukon nuka akipi da komaik Anjolin: koany Edeke ebe ejokuna. <sup>11</sup> Kobala Edeke ebe, "Kobwanj akwap anya, koraata ikui icok, kora ekitoi loka araito araito koponeke, nuejaas icokokec, kotoma akwap." Kojas kwanjin. <sup>12</sup> Kobwanj akwap anya, koraata ikui icok koponekec, ka ekitoi da loerai araito nuejaas icokokec, kotoma oponeke. Koany Edeke ebe ejokuna. <sup>13</sup> Kojau atibon kojau da atupuruc, nin nes apaaran nakiwuniet.

<sup>14</sup> Kobala Edeke ebe, "Kojaut lucaete kapak naka akuj aitiak apaaran ka akuar: koraut kesi aanyuneta, kanuka apakio, ido kanuka apaarasia, ka ikar: <sup>15</sup> Kojas kes kanuka aica toma apak naka akuj, acaanakin akwap." Kojau kwanjin. <sup>16</sup> Kosub Edeke lucaete iarei luepolok; aica naepol adepar ayait apaaran, ka aica naepol ayait akuar; kosub aacer da. <sup>17</sup> Kibwaik Edeke kes apak naka akuj acaanakin akwap, <sup>18</sup> ayait da apaaran ka akuar, ido aitiak aica ka amuton: koany Edeke ebe ejokuna. <sup>19</sup> Kojau atibon kojau da atupuruc, nin nes apaaran nakiwononet.

<sup>20</sup> Kobala Edeke ebe, "Kilweka akip lueliatos luipu luejaas aijar, ido koporitok akweny kokuju kakwap toma apak naka akuj." <sup>21</sup> Kosub Edeke itian lueliilete luka anjolin, ka iboro kere lukajarak luelosete, lukilwekete akip, koponesiokec, ka ninibore kere yeneporitoy yeneja abebenoka koponeke; koany Edeke ebe ejokuna. <sup>22</sup> Kisirerej Edeke kes, kotema atiar, "Kouriaros, kipuaros, kilelebunos akipi nuejaas toma anjolin, kipuaros da lueporitos kakwap." <sup>23</sup> Kojau atibon kojau da atupuruc, nin nes apaaran nakikanyet.

<sup>24</sup> Kobala Edeke ebe, "Kilwek akwap ninibore yenejai aijar kotoma oponeke, ibaren, ka yeneliat, ka etian loka akwap koponeke." Kojau kwanjin. <sup>25</sup> Kosub Edeke etian loka akwap koponeke, ka ibaren koponekec, ka ninibore yeneliat kakwap koponeke: koany Edeke ebe ejokuna.

<sup>26</sup> Kobala Edeke ebe, "Kasubutu itujuanan kotoma aputowok, asimawok: kainakis kes ayait lukecor, ka akweny nuka apak, ka ibaren, ka akwap kere, ka ninibore kere yeneliat kakwap." <sup>27</sup> Kosub Edeke itujuanan kaputoke, kaputo naka Edeke nes asubunia; kosub kes yenikiliokit ka yeniberu. <sup>28</sup> Kisirerej Edeke kes: kotema Edeke kes atiar, "Kouriaros kipuaros, kilelebunos akwap, kiruma; koyaitos lukecor, ka akweny nuka apak, ka ninibore kere yenejari yeneliat kakwap." <sup>29</sup> Kobala Edeke ebe, "Koany, kainakis ikui kere luerate icok luejaas akwap kere, ka nolikitoi loejaas araito nuka ekitoi loerai icok, arau inyamam kamakus: <sup>30</sup> Ka nolitian kere loka

1 Yok 1:1, 3;  
Bur 1:10;  
Yob 38:4;  
Isa 44:24;  
Rom 1:20;  
Kol 1:16;  
Bur 11:3;  
Apu 4:11.  
2 Yer 4:23;  
Isa 40:12.  
3 Sab 33:9.  
5 Sab 74:16.  
6 Yob 37:18;  
Sab 33:6;  
136:5;  
Yer 10:12.  
9 Yob 26:10;  
38:8;  
Sab 33:7;  
95:5.  
11 Bur 6:7;  
Luk 6:44.

14 Ikis 4:19;  
Yob 25:3, 5;  
Sab 74:16;  
136:7.

17 Sab 8:1.

20 Sab 104:24.

24 Sab 104:18-23.

26 Sab 100:3;  
Pes 4:24;  
Yak 3:9;  
Sab 8:6.

27 1 Kor 11:7;  
Pes 4:24;  
Kol 3:10;  
Mal 2:15;  
Mat 19:4;  
Mk 10:6.

28 Sab 127:3;  
1 Tim 4:3;  
Age 9:1, 7;  
Leb 26:9;  
Sab 128:3, 4.

29 Yob 36:31;  
Sab 104:14,  
15; 136:25;  
146:7;

Asw 14:17.  
30 Sab 145:15,  
16; 147:9;  
Yob 38:41.

akwap, ka akweny kere nuka apak, ka yeneliat kere kotoma akwap yenejai apuru naka aijar, ainakinin kes ikui kere luelibete arauin inyamat." Kojau kwanjin. <sup>31</sup> Koany Edeke ninibore kere yenikesubi, ido koany, ejokuna noi. Kojau atibonj kojau da atupuruc, nin nes apaaran nakikanyeteka.

31 Sab 10:24;  
1 Tim 4:4.

2 Any 31:17;  
Bur 4:4.  
3 Any 16:22-30.

**2** Kodaun aisub akuj ka akwap, ka ajoresiokec kere. <sup>2</sup> Kapaaran nakikanyetekaarei kodaunite Edeke aisubuke nakesubi. <sup>3</sup> Kisirerej Edeke apaaran nakikanyetekaarei, kitalau; naarai npepin nes ebworaria kaisubuke kere nakesubi Edeke, nakiswamai.

<sup>4</sup> Njol nes esube loka akuj, ido loka akwap naasubere.

5 Sab 10:14;  
6:9, 11.

Kapaaran nakesubia EJAKAIT Edeke akwap ka akuj, <sup>5</sup> ido korija ejauna luebwanete luka ais kakwap, koroko da ebwanjuna ikui luka ais; naarai mam EJAKAIT Edeke kitetepit akiru kakwap, komamei ituganan yenekoriei akwap. <sup>6</sup> Konye kopurionori elisina kokwap, kitapapalenei akwap kere. <sup>7</sup> Kosub EJAKAIT Edeke etuganan kapua naka akwap, kokutak eiyegane loka aijar okumesike; koraun etuganan etau lokajaran. <sup>8</sup> Kiraik EJAKAIT Edeke emanikor ari nakokide, toma Eden; kibwaik nen etuganan lokesubi nes. <sup>9</sup> Kitabwanj EJAKAIT Edeke kakwap njolikitoi loisiyalamikinit akonyen, loejok ainyam; ekitoi loka aijar da kokidij omanikor, ka ekitoi da loka ajenun nuejok ka nueroko.

8 Age 13:10.

9 Esk 31:8;  
Age 3:22;  
Apu 22:2, 14.

10 Sab 46:4.  
11 Age 25:18.

<sup>10</sup> Kolom ecor kotoma Eden, aitapapal emanikor; ido kanen kotiakas koraunos icorin iwogon. <sup>11</sup> Losodit ekekiror Pison; njol nes loirimorit akwap kere naka Kabila, naejai esabu. <sup>12</sup> Esabu da loka akwap kanjin ejokuna; ejai nen ebedelium \* ka amor nuemelomeloto. <sup>13</sup> Ecor lokiareit da ekekiror Gikon: njol nes loirimorit akwap kere naka Kus. <sup>14</sup> Ecor lokiwuniet da ekekiror Kidekel, njol nes loelosi kari nakokide naka Asuria; ka ecor lokiwojonet nes Eupurat.

14 Dan 10:4.

<sup>15</sup> Koyana EJAKAIT Edeke etuganan, kibwaik nes toma omanikor loka Eden, akorienen ka aidar nes. <sup>16</sup> Kicorak EJAKAIT Edeke etuganan ebe, "Inyameneni kwape ikotor araito nuka njolikitoi lokomanikor: <sup>17</sup> dimarai mam inyami nuka ekitoi loka ajenun nuejok ka nueroko: naarai kapaaran nainyamia nun itwani cut."

19 Sab 8:6.

<sup>18</sup> Kobala EJAKAIT Edeke ebe, "Mam ejok etuganan ajakut bon; asubakini eon nes ikejarakinan yenibusakinin." <sup>19</sup> Kosodi kosubak EJAKAIT Edeke toma akwap njolitij loka ais, ka lueporitos kotoma apak; koyau kes neejai etuganan aanyun kwape emaanakinia ikecekiroria; ido njolikiror kere lokemaikin etuganan ninibore yenikajaran, koraun njol ekekiror. <sup>20</sup> Komaanak etuganan ibaren kere ikiroria, ka lueporitos kapak, ka itij kere luka ais. Konye komam etuganan edumakina ikejarakinan yenibusakinin. <sup>21</sup> Kitojoto EJAKAIT Edeke etuganan ajo nuipu, kojotoor; koditu amaran adiopet, kinyakak akirij toma aiboisike. <sup>22</sup> Kosub EJAKAIT Edeke aberu kamaran kanjin naadituni kotuganan, koyau nes neejai etuganan. <sup>23</sup> Kobala etuganan ebe,

21 Age 15:12.  
22 Awa 18:22;  
Bur 13:4.  
23 Age 29:14;  
Tub 9:2;  
2 Sam 5:1;  
Pes 5:30;  
1 Kor 11:8.

"Na nes akoit naka akojoka,  
Ido nes akirij naka akirinjika:  
enyarao nes Aberu,  
naarai aditunio kotuganan."

24 Sab 45:10;  
Mat 19:5;  
Mk 10:7;  
1 Kor 6:16;  
Pes 5:28-31.  
25 Any 32:25;  
Isa 47:3.

<sup>24</sup> Nes inyeinia ekililikit papake ka totoke, kiketakin neejai akeberu: koraut adiopekuan. <sup>25</sup> Emujalalas kesi kere, etuganan ka akeberu, komam ilieci-kinito.

1 Mat 10:16;  
Apu 12:2;  
20:2.

**3** Kepiiriana emun aitelekarit itij kere luka ais lukesubi EJAKAIT Edeke. Kotema nesu aberu atiar, "Eebo, abala teni Edeke ebe, 'Mam inyameneite araito nuka ekitoi kere lokomanikor?'" <sup>2</sup> Kotema aberu emun atiar, "Kisiikinitai ainyam araito nuka ikito lukomanikor; <sup>3</sup> dimarai araito

3 Age 2:16, 17.

\* ebedelium eputos bala emina.

- nuka ekitoi loejai kidinj omanikor, njon abala Edeke ebe, 'Mam inyamenete, karaida atiror, kinyeis atwakare.' " 4 Kotema emun aberu atiar, "Mam cut itwakete." 5 Naarai ejeni Edeke ebe apaaran napinyamiata njon, nes ekwenyuniata akusikonye, iraunos yesi da bala Edeke, ajenenen nuejok ka nueroko." 6 Nakeanyunia aberu ekitoi ebe ejok ainyam, isiyalamikinit da akonye, ekitoi da erai loisinobelei ayaun acoa, kodenj araitoke, konyam; koinak okilenike da, konyam. 7 Kitekwenyunai iarei kere akecekonye, kojenut ebe kimujalalas, kodonyut akui nuka etini,\* kosubut arobai.
- 8 Kiiras eporoto loka EJAKAIT Edeke itorit omanikor ariripet naka apaaran, kojopata etujanen ka akeberu kakonyen nuka EJAKAIT Edeke kokidinj okito lukomanikor. 9 Kiworo EJAKAIT Edeke etujanen kotema nes atiar, "Ai bo ijai ijo?" 10 Kotema nes atiar, "Abu keira ekoniporoto komanikor, kakurianar, naarai amujalal: kaqop." 11 Kotema atiar, "Injai bo kilimokini jo ebe imujalal? Inyama ca ijo araito nuka ekitoi loabu kecorak jo ebe mam inyami?" 12 Kobala etujanen ebe, "Aberu nakiinakin ajaenena keonj, nes kainakini araito nuka ekitoi, kanyam."
- 13 Kotema EJAKAIT Edeke aberu atiar, "Anyoika nu nuiswama?" Kotema aberu atiar, "Emun kejojijodi, tape anyami." 14 Kotema EJAKAIT Edeke emun atiar,
- "Kanu iswamaa njin,  
kikenokinitoi jo aitelekarit ibaren kere,  
ido aitelekarit njolitinj kere loka ais:  
iliaenenei kakonikoik,  
inyamenenei apua  
apaarasia kere nuka ajarakon.
- 15 Ebwaikini asurup kidinjikon ka aberu,  
ido kidinj aurikon ka aurike da;  
idecidedenenei akonikou  
ka jo da idecidedenenei aketitibat."
- 16 Kotema nes atiar,  
"Eyatakini noi ikonican ka akonipotuuun,  
Kotoma ocan nes idoununio idwe,  
akoniimuit kojai neejai okilenikon,  
ido nes kiyait jo."
- 17 Kotema nes Adam atiar,  
"Naarai ibu ijo kiira eporoto loka aberukon,  
ainyam araito nuka ekitoi  
lokecorakin jo ebe  
'Mam inyami',  
ekeni alup kanukon;  
kotoma ailolitoikon nes idumunia luinyami  
apaarasia kere nuka ajarakon.
- 18 Kibwanjakinete ikukwa ka isukukur:  
inyamenenei ikui luka ais.
- 19 Kotoma ainyinyir nuka akonyenekon  
nes idumunia inyamata,  
aitodol neibonjoria alup,  
naarai nen nes kolo kilemunere;  
naarai irai ijo apua,  
ibonjori da apua."
- 20 Komaik etujanen akeberu ekekiror Keba; naarai arai nes toto naka luejarete kere. 21 Kiswamak EJAKAIT Edeke Adam ka akeberu inapen luka imukulen, kitanap kes.
- 22 Kobala EJAKAIT Edeke ebe, "Koany, etuluor etujanen bala ediopet kaoni aijen nuejok ka nueroko; aso natikwana kinye nes arior akekan da

\* etini nes ekitoi loerai araito nuejijim.

adenun araito nuka ekitoi loka aijar, ka ainyam, ka aibut ikar kere"—<sup>23</sup> Ijes ejukaria EJAKAIT Edeke nes kiŋa kemanikor loka Eden, akorienen alup nukelemunere nes. <sup>24</sup> Kwanjin kireŋea nesu etuŋanan: kosodi kari nakokide naka emanikor loka Eden kibwaik Ikerubin, ka ekilen loimilia loibelonokin iwaitin kere, aidar erot loka ekitoi loka aijar.

24 Age 2:8;  
Sab 104:4;  
Bur 1:7;  
Yok 14:6.

The Bible in Ateso

© United Bible Societies 1961

UBS-EFF-1984-5M-053

ISBN 0 564 00483 9